



和清真詞

目錄

瑞龍吟

瑣窗寒

風流子

渡江雲

應天長

荔枝香

二調

還京樂

掃花遊

解連環

玲瓏四犯

丹鳳吟

滿江紅

瑞鶴仙

西平樂

浪淘沙

憶舊遊

驀山溪

少年遊

二調

秋蕊香

漁家傲

二調

南鄉子

望江南

浣溪沙

三調

迎春樂

二調

點絳脣

一落索

二調

滿庭芳

隔浦蓮

法曲獻仙音

選官子

側犯

塞翁吟

蘇幕遮

浣溪沙

四調

點絳脣

訴衷情

風流子

華胥引

宴清都

四園竹

齊天樂

木蘭花

霜葉飛

蕙蘭芳

塞垣春

丁香結

氏州第一

解蹀躞

少年遊

慶春宮

醉桃源

二調

點絳脣

夜遊宮

二調

訴衷情

傷情怨

紅林擒近

二調

滿路花

解語花

六么令

倒犯

大酺

玉燭新

花犯

醜奴兒

水龍吟

六醜

虞美人

二調

蘭陵王

蝶戀花

四調

西河

三部樂

菩薩蠻

品令

玉樓春

滿路花

和清真詞

宋 楊澤民

瑞龍吟

城南路凝望映竹搖風酒旗標樹郊原遊子停車問  
山崦裏人家甚處 去還佇徐見畫橋流水小窗低  
戶深沈綠滿垂楊芳陰姪姪嬌鶯解語 多謝佳人  
情厚捲簾羞得庭花飄舞可謂望風知心傾蓋如故  
猶帶香玉休賦斷腸句堪憐處生塵羅襪凌波微步  
底事怱怱去爲他繫絆離情萬緒空有愁如縷憶桃  
李春風梧桐秋雨又還過卻落花飄絮

瑣窗寒

倦拂鴛衾羞臨鵲檻懶開窗戶韶華暗度又過妬花  
風雨掩熏爐怕聞舊香柳陰只有黃鶯語似向人欲  
說離愁因念未歸行旅春暮知何處便不念芳年  
正當三五輕衫快馬去逐狂朋怪侶便羅帷香閣頓  
忘枕邊要語曾記否趁芳時卽早歸來尙可殢清俎

風流子

咏錢塘

佳勝古錢塘帝居麗金屋對昭陽有風月九衢鳳皇  
雙闕萬年芳樹千雉宮牆戶十萬家家堆錦繡處處  
鼓笙簧三竺勝遊兩峯奇觀湧金仙舸豐樂霞觴  
芙蓉城何似樓臺簇中禁捲簾東廂盈望虎貌分別  
鴛鴦成行向玉宇夜深時聞天樂絳霄風軟吹下爐

香惟恨小臣資淺朝覲猶妨

渡江雲

漁鄉回落照晚風勢急鶩鷺集汀沙解鞍將憩息細  
徑疏籬竹隱兩三家山肴野蕪競素樸都沒浮華回  
望時繞村流水萬點舞寒鴉休嗟明年秋暮一葉  
扁舟望平川北下應免勞塵巾烏帽宵炬紅紗青蓑  
短棹長江碧弄幾曲羌管吹葭又借問鳴榔便入蘆  
花

應天長

天桃弄粉繁杏透香依然舊日顏色柰彼妬花風雨  
連陰過寒食金釵試問妙客正晝永院深人寂善歌

更解舞傳聞觸處聲籍

當日俊遊時屢向平康吟

詠共題壁自後縱經回曲難尋  
阿姨宅芬芳華苑羅綺陌  
怎斷得怪蹤狂跡慣來往柳外花閒鶯燕都識

荔枝香

瞰水自多佳趣春未去繡桷抖起凌空隱隱籠輕霧  
已飛畫棟朝雲又捲西山雨相與共煮新茶取花乳  
開宴處俯北榭臨南浦迤邐扁舟雙槳櫂歌齊舉  
座上嘉賓妙句無非賦鸚鵡莫惜高燒蠟炬

又

未論離亭話別涕先泫旋滌瑤觴深挹芳醪凝愁滿  
眼僂人大白須卷歌徧三勸記得當時送口遠素

蟾屢明晦彩雲易散後約難知又卻似陽關宴烏絲  
寫恨帕子分香爲郎翦願郎安信頻遣

還京樂

春光至欲訪清歌妙舞重爲理念鶯輕燕怯媚容百  
斛明珠須費算枕前盟誓深誠密約堪憑委意正美  
嬌眼又灑梨花春淚記羅帷底向鴛鴦燈伴相偎  
共把前回詞語詠味無端浪跡萍蓬柰區區又催行  
李忍重看小岸柳梳風江梅鑑水待學鷓鴣翼從他  
名利縈悴

掃花遊

素秋漸老正葉落吳江雁橫南楚暮霞散縷聽寒蟬

斷續亂鴉鼓舞客舍淒清那更西風送雨又東去過  
野杏小橋都在元處 心事天未許似誤出桃源再  
尋仙路去年燕俎記芳腮妬李細腰束素事沒雙全  
自古瓜甜蒂苦欲停竚柰江口早催行鼓

解連環

塞鴻難託柰雲深霧濶水遙山邈感兩情渾若連環  
念恩愛厚深利名浮薄便好歸來怎禁得許多蕭索  
免慊慊瘦減漫滯寢饋枉費湯藥 伊心料應未若  
對香消獸吻月轉樓角恁便是鐵石心腸有當日盟  
言怎忍辜卻冶葉倡條尙自得連枝雙萼不成將異  
葩艷卉便教謝落

玲瓏四犯

韻勝江梅笑杏俗桃麤空眩妖艷盡屏鉛華天賦翠  
眉丹臉門閉晝永春長看燕子並飛撩亂歎歲華若  
箭頻換深院有誰能見夜來初得同相薦便門闌  
瑞烟蔥蒨天然素質真顏色直是驚人眼曾向眾裏  
較量似六箇骰兒六點應自來恨悶和想憶都消散

丹鳳吟

荏苒秋光虛度翫月池臺登樓閣風傳霜信遍送曉  
寒侵幕淒涼細雨灑窗飄戶漏永更長枕單衾薄夢  
裏驚鴻喚起坐對寒釭猶聽晨漏殘角先自宿醒  
似病共愁造合滋味惡雖有丁寧語怕旁人多口還

類金鑠如斯情緒戚戚怎禁牢落縱欲憑江魚寄往  
漫霜毫頻握幾時得見諸事都記著

### 滿江紅

裊娜身材輕行處金蓮涉足晨妝罷黛眉新暈素腰  
如束丹臉勻紅香在臂秀肌膩滑涼生肉記那回同  
賭選花圖贏全局相思病休殢卜辜負卻楊枝曲  
漫榴花堆火翠陰籠屋菡萏方池閒艷蕊畫堂未許  
歸雲宿任利名踪跡久塵埃教誰撲

瑞雀仙

憶舊居呈超然  
示兒子及女

依山仍負郭有松桂扶疏煙霞渺漠一年自成落柰  
孤踪還繫蠅頭蝸角休嗤句弱賦郊居何讓沈約記

鄉人過我儺立阼階酒仙行酌 遠映江山奇勝下  
瞰重湖上飛高閣風簾絮幙築新檻種花藥幸瓜期  
已近秋風歸去免得奔馳味惡待開池牘起林亭共  
同宴樂

西平樂

園韭畦蔬嫩鷄野腊鄰醞稚子能賒羅幕新裁畫樓  
高聳松梧柳竹交遮應便作歸休計去高揖淵明下  
視林逋到此如何又走風沙都爲嘯號累我思量事  
未遂卽咨嗟 連年奔逐旁州外邑舟楫輕揚鞭口  
傾斜仍冒觸烟嵐邃險風雪縱橫每值初寒在路炎  
暑登車空向長途度歲華消減少年英豪氣宇瀟灑